


宋詩紀事



和書門			
三	一	三	三
二	二	九	九
冊	架	六	六
		五	五
		號	類

內閣文庫	
三	三
六	九
三	六
冊	架
函	號
架	類

內閣文庫	
番號	漢 3965
冊數	32 (27)
函號	363 123

七十八卷



宋詩紀事卷七十八

錢唐厲鶚緝

錢唐汪啟淑勘定

蔣捷

捷字勝欲陽羨人德祐進士自號竹山遁跡不仕

以詞名


東坡田

老去紅灰酒瓮前向來青草瘴江邊卜居自為溪山好不

是區區為買田

玉易簡

易簡字理得號可竹山陰人宋末登進士除瑞安



主簿不赴隱居城南有山中觀史吟

九鎖山十詠 存一首

大滌洞

蕭灑殊庭西玉室甚孱顏華陽隱邃道元蓋浮塵寰統統
天鼓鳴爛爛巖石斑誰懸隔凡石此石非人閒羣仙本容
物爲我開重關

來賢巖

絕壁中嵌空秀石下插地緬懷玉局仙于此冠蓋萃雲泉
儼昨遊卉木遺古意青山日迎客何者傳姓字斯人千載
名覽勝乃餘事 以上洞霄詩集

奉題高房山尚書夜山圖

高侯妙筆生夜光李侯正倚牛斗傍 公畧浙江行省
照磨寓居吳山 淒涼看盡

吳山月玉鏡臺前翠鳳凰 鐵網珊瑚

游寶林寺

元度存遺跡元英有舊詩城中獨高處雪後最佳時拂壁
書行紀逢僧問 一作談 故祠闌干頻徙倚不奈朔風吹 越詠

錢大椿

大椿字坦仲淳安人宋末舉進士

春夜

燕子銜泥已下簾深深庭院薄寒天海棠枝上黃昏月楊
柳梢頭淺澹煙句引芳情春夢蝶頻催愁緒夜啼鶻踏青
年少歸來晚斗酒花陰枕石眠 青溪詩集

盧珏

珏字登父淳安人宋末舉進士有可菴集

天邊風露樓漫題

十二闌干俯碧溪憑高一覽衆山低晴灘歷歷輕帆上烟
樹重重幽鳥啼但覺興隨流水遠不知身與白雲齊年來
欲問東皇信多種梅花在竹西

嚴州府志

真山民

山民自呼山民或云名桂芳括蒼人宋末進士李
生喬歎以爲不媿迺祖文忠西山以是知其姓真
痛值亂亡深自湮沒世無得而稱焉惟所至好題
詠因流傳人間張伯子謂爲宋末一陶元亮云有

山民集

幽居雜興

松桂小菟裘山扉幽更幽蜂王衙早晚燕子社春秋鬢禿
難遮老心寬不貯愁年來把鋤手無復掛公侯

山亭避暑

怕礙清風入丁寧莫下簾地皆宜避暑人自要趨炎竹色
水千頃松聲風四簷此中有幽趣多取未傷廉

泊白沙度

日暮片帆落渡頭生暝烟與鷗分渚泊邀月共船眠燈影
漁舟外湍聲客枕邊離懷正無奈况復聽啼鶉

渡江之越宿蕭山縣

昨夜大江舟今宵小驛樓隻身千里客孤枕一燈秋市酒
難成醉鄉書莫寄愁胸中無史記浪作會稽遊

兵後劉秀寬見過

冉冉歲云暮閑居安所知途窮身是累痛定語猶悲衰鬢
數莖雪空囊一卷詩儒衣例如此惜也不逢時

東粵廟

頽闕斜照網蛛絲陳迹淒涼萬古悲柘木尚鳴亡國怨山
松曾見受封時碑因苔蝕無完字城爲田侵失舊基當日
東甌知幾戰如今贏得一荒祠

三峯寺

寂寞烟林噪亂鴉青鞵步入野僧家雲深不礙鐘聲出日
轉還移塔影斜廊下蝸黏沿砌蘚佛前蜂戀插瓶花竹牀
紙帳清如水一枕松風聽煮茶

梅仙山

西都不知壽安用獨長年縱有丹爐在難吹漢火然

九日

嬾把黃花插滿頭正緣老大見花羞年來頗恨儒冠謨好
倩西風吹去休

以上山民集

吳仲軒

仲軒進賢人宋末進士隱居教授元初程鉅夫疏
薦不起

謝程鉅夫學士

抱疾經年久何期徵詔臨芸窗書已蠹竹葉徑尤深空返
皇華使難忘鷗鳥心懷君雖感激衰鬢不勝簪

西江詩話

汪元量

元量字大有號水雲錢唐人以善琴事謝后王昭
儀宋亡隨三宮留燕後為黃冠師南歸往來匡廬
彭蠡閒世莫測其去留長身玉立修髯廣頷音若
洪鐘江右人以為神仙多畫其像祀之有水雲集

湖山類稿

李鶴田湖山類稿跋云往時讀泣血錄為之淚下因歎德祐之事意必有
杭之文章鉅公書于野史後人見而悲之未必不若余今日之讀泣血錄
也一日吳友注水雲出示類稿紀其亡國之戚去國之苦開關愁歎之狀
備見于詩微而顯隱而彰哀而不怨歎而悲甚于痛哭豈泣血錄所可
並也聞元天寶之事紀于草堂後人以詩史日之水雲之詩亦宋亡之詩
史也其詩亦鼓吹草堂者也其愁思抑鬱不可復伸則又有甚于草堂者

錢塘歌

錢塘江上龍光死錢王宮闕今如此白髮宮娃作遠遊漢
漠平沙千萬里西北高樓白雲齊欲落未落日已低古人
不見今人去江水東流烏夜啼

也噫水雲詞詩與後人哀耶留詩與後人愁也可感也重可感也故賦一
十字書綴卷尾云天地事如許英雄鬢已班淚添東海水愁壓北邙山

醉歌

亂點連聲殺六更熒熒庭燎待天明侍臣已寫投降表臣
妾僉名謝道清
湧金門外雨晴初多少紅船上下趨龍管鳳簫無韻調卻
搥戰鼓下西湖

賈魏公府

湖邊不見碾香車
斷珥遺鈿滿路塗
門徑風輕飛野馬
亭臺火盡及池魚
海棠花下生青杞
石竹叢邊出紫蘇
卻憶相公游賞日
三千衛士立階除

送琴師毛敏仲北行

西塞山前日落處
北關門外雨來天
南人墮淚北人笑
臣甫低頭拜杜鵑

蘇子瞻喫惠州飯
黃魯直度鬼門關
今日君行清淚落
他年勛業勒燕山

北征

北師有嚴程
挽我投燕京
挾此萬卷書
明發萬里行
出門隔山嶽
未知死與生
三宮錦帆張
粉陣吹鸞笙
遺氓拜路

傍號哭皆失聲
吳山何青青
吳水何泠泠
山水豈有極
天地終無情
回首叫重華
蒼梧雲正橫

秋日酬王昭儀

愁到濃時酒自斟
挑燈看劍淚痕深
黃金臺迥少知己
碧玉調高空好音
萬葉秋風孤館夢
一燈夜雨故鄉心
庭前昨夜梧桐語
勁氣蕭蕭入短衿

太皇謝太后挽章

大漠陰風起
羈孤血淚懸
忽聞天下母
已赴月中僊
哀樂浮雲外
榮枯逝水前
遺書乞骸骨
歸葬越山邊

女道士王昭儀仙游詩

吳國生如夢
幽州死未寒
金閨詩卷在
玉案道書閑
苦霧

蒙丹旒酸風射素棺人閒無葬地天上有僊山

瀛國公入西域為僧號木波講師

木老西天去袈裟說梵文生前從此別去後不相聞忍聽
北方燕愁看西域雲永懷心未已梁月白紛紛

全太后為尼

南國舊王母西方新世尊頭顱歸妙相富貴悟空門傳法
優婆域誦經孤獨園夜闌清磬罷跌坐雪花繁

以上湖山類彙

題賜硯

斧柯片石伴幽閑堪與遺民共號頑試憶當年承賜事墨
痕如淚盡成斑

改蟲齋筆疏水雲以善琴供奉國亡隨三宮入燕久之請為黃冠南歸藏
有賜硯背刻天錫永寶四字分書右刻水雲二篆字左刻楷書絕句云云

其北征古詩云北師有嚴程挽我投燕京挾此萬卷書明發萬里行則硯
必並載入燕以詩書授瀛國公皆此硯矣

李吟山

贈汪水雲

青雲貴戚玉麟兒曾逐鸞車入紫闈王母窗前窺面日太
真膝上畫眉時滄溟水闊龍何在華表秋深鶴未歸三尺
焦桐千古意黃金誰與鑄鍾期

水雲集附

吳仁傑

送汪水雲入湘

碧水波翻海亦摧奮身鼇背護蓬萊忍隨天上紅雲散卻
馭關中紫氣回天道有常須變化元關無鑰任敲推攜琴
更拜蒼梧野口想南薰入調來

水雲集附

游古意

送謝疊山先生北行

滿懷忠孝有天知，不管人閒事已非。
萬里乾坤雙草屨，百年身世一麻衣。
行藏自信牀頭易，臥病惟餐隴首薇。
儻過宗周見禾黍，幾多新淚灑殘暉。

疊山集附

葉愛梅

送謝疊山先生

后土茫茫兩屨行，綱常事重此身輕。
大江有士一人口，千載見君雙眼明。
俯仰元無媿，今古英雄何必盡。
公卿早知莫賣成都卜，省得人知大隱名。

疊山集附

毛靜可

送謝疊山先生

一襟書傳日星懸，湖海聲名五十年。
事不求知惟此理，文之未喪豈皆天。
人方驚怪歐陽子，我獨悲傷魯仲連。
看鏡倚樓秋已暮，風巾霜屨重依然。

疊山集附

魏天應

天應號梅野建安人疊山門人

送疊翁老師北行和韻

先生心事炳丹青，頭影何曾媿獨行。
商嶺芝能如橘隱，首陽粟不似薇清。
綱常正要身扶植，出處端為世重輕。
安得寒泉來會宿，參同極論到天明。

疊山集附

蔡正孫

正孫號蒙齋疊山門人

送疊翁老師北行和韻

山色愁予渺渺青平生心事杜鵑行霜饗雪虐天終定歲
晚江空水自清肩上綱常千古重眼前榮辱一毫輕離明
坤順文箕事此是先生素講明

疊山集附

陳達翁

達翁建安人

送疊山先生

流落崎嶇二十年幾回灑血杜鵑前一雙芒屨乾坤窄萬
古丹心日月懸案上靈龜元不食樊中孤鶴且安眠逃名
不得名終在行止非人亦有天

疊山集附

王濟淵

濟淵字道可疊山門人

送疊山先生

希夷何意出山中心事當年漢臥龍行止但憑天作主別
離初不淚霑胸定知晚菊能存節未必寒松肯受封大義
昭明千載事前程儘更好從容

疊山集附

謝鑰

鑰字君殷號草堂晞髮道人翱之父也

翫月有感

入夜茶甌苦上眉眼花推落石牀基舉頭卻恨天邊月顛
倒山河作樹枝

天地閒集

謝翺

翺字臯羽一字臯父閩之長溪人後徙浦城咸淳
中試進士不第丞相文信公開府延平署咨議參
軍信公被執後避地浙東在浦江主吳渭家與方
鳳吳思齊遊度釣臺南地為文冢名會友之所曰
汝社期晚而信集同好名氏作許劒錄取吳季子
意乙未八月寓杭終于婦劉氏舍友人方鳳吳思
齊輩歸其骨葬于釣臺從初志也有晞髮集

鄧牧心謝臯羽傳畧云臯父性耿介不以貧累人所居產薪若炭率秋暮
載至杭易米卒歲少裕則資遊江海訪前代故實著宋史補唐詩人無傳
者三十餘篇傳近世隱逸數篇歲甲午與杭人鄧牧相遇會稽結為方外
友牧因為言杭大都會文士輩出余知若干人盡往見之旬日別去逮牧
歸杭君已孳家錢唐江上問所從遊皆前所聞者其信好學也乙未秋牧
薄遊山水閒君病篤望牧不至懷以詩曰謝翺花開桑葉齊戴勝半生草

藥肥九鎖山人歸未歸說絕筆于此

任松鄉謝處士傳畧云臯羽常布衣杖策參人軍事晚登子陵西臺以竹
如意擊石歌招魂之詞曰魂來兮何極魂去兮江水黑化為朱鳥兮其味
焉食歌闕竹石俱碎失聲哭何其情之悲也

方韶卿謝臯羽行狀畧云君遺藁在時舊所為悉棄去今在者手抄詩六
卷雜文五卷唐補傳一卷南史贊一卷楚辭等芳草圖譜一卷宋饒歌鼓
吹曲騎吹曲各一卷陸州山水人物古蹟記一卷浦陽先民傳一卷東坡
夜雨句圖一卷浙東西遊錄九卷春秋左氏續辨歷代詩譜未脫藁選唐
韋柳諸家及東都五體在集外

烏棲曲擬張司業

吳宮草深四五月破楚門開烏啼歇美人軍裝多在船歸
來把弓墮弓弦越羅如粟越王獻宮中養蠶不作線轆轤
出屋井水淺梔樹花菱子如繭烏栖烏啼宮燭秋越女入
宮吳女愁

廢居行

海濤翻空秋草短白蛇入窠啗雀卵經年廢屋無居人孕
婦夜向船中產歸來多雨曰生魚穴蟲祝子滿戶樞鄰家
置屋供官役買得沂王園令宅

古釵歎

刑徒鬼火去飄忽息婦堆前殞齊發白烟淚溼樵叟來拾
得慈獻陵中髮青長七尺光照地髮下宛轉金釵二持歸
薰沐置高堂包裹恐爲神所將妻兒朝拜復暮拜冉冉臥
病不得瘥省知天物厭凡庸夜送白龍潭水中叩頭卻顧
祈免死永入幽宮伴龍子

瓊花引

后土祠前車馬道天人種花無瑤草英雲縈珠欲上天夜

半黃門催進表酒香浮春露泥泥二十四橋雪如洗陰風
吹雪月墮地幾人不得揚州死孤貞抱一不再識夜歸闥
風曉無蹟蒼苔染根煙雨泣歲久游魂化爲碧

後瓊花引

揚州城門夜塞雪揚州城中哭明月墮枝溼雲故鬼愁西
來陰風無健鶻神鴉愁空衆芳歇一夕蒼苔變華髮宮花
織簾塵掩韞玉華無因進吳越離離淮水山央央誰其死
者李與姜

飛仙引遊沃洲水簾谷作

赤城後門桃花尾溼浸靡蕪洗蒼耳小支菩提海上來天
風吹下谷簾水斜珠界左轉復右華蓋縣肝三葉紫內閒

肉芝承乳流鬼母仙姝臨洗胃蒼龜守關朝太微色阻讒
神誣奏事海桑男子在謫籍驅鹿行車閨年至

和靖墓

山中處士白麻履死後無書獻天子青童元鶴畫上天夜
下玉棺葬湖水湖隄四合葑如髮芳樹玲瓏倚春雪百年
鳳舞雲霧空玉椀人閒出句越宮嵐塔雨恍如失飛網繞
湖冠聚鷓琳宇焚芝秋寂歷斗下無人祠太乙

冬青樹引別玉潛

冬青樹山南陲九日靈禽居上枝知君種年星在尾根到
九泉雜龍隨恒星晝實夜不見七度山南與鬼戰願君此
心無所移此樹終有開花時山南金粟見離離白衣人拜

樹下起靈禽啄粟枝上飛

翠鎖亭避暑

自注亭有魏王妃所題字尚新王嘗以王子成德軍節度使鎮明故妃至其處

客有遊山衣著久如薜荔行行萬翠亭忽作風雨憩仰面
無所覩梁閒有題字問此何人書婉婉有弱氣云昔魏王
妃書字學李衛乘雲到此山灑墨在空翠塵風吹土花倏
忽景物異疑此夢與仙不類人閒世

聽雨

山廚壓炊烟野雨起薄暮孤客臥空牀不識門前路回風
已若休入壑忽如赴荒林啼鬼車往往不見處鄰翁起厭
勝咒作禹餘步聽雨雜咒聲起歌和其語咒靜雨亦止還
眠向窗曙

飲飛廟迎神引

劍歌兮擊筑菱青兮蓼綠夕濟甬兮沈玉步巫兮禹孫葺
神藩兮楚軍神之乘兮海雲嘖芳兮越咒斬將兮神祐秋
零露兮為醕春集鴉兮神語風蕭蕭兮滿旗雲之車兮來
思

鴻門讌

天雲屬地汗流宇杯影龍蛇分漢楚楚人起舞本為楚中
有楚人為漢舞鷓鴣淬光雌不語楚國孤臣泣俘虜他年
疽背怒發此芒碭雲歸作風雨君看楚舞如楚何楚舞未
終聞楚歌

有洗舊語綾作青色鬻將以為緣以紺繒易得之作

手卷賦小樂章求好事書其後

吳宮輦路傷行客繭冰壓雲凝曉色門前新掃染家鄰借
人鋪設殘衣帛官花翦綾連院號覆取翻看成一道織紋
宛轉救字新知是初誰六尺誥城霞失彩宮蘚病中與海
圖上衣領改顏倖售緣所遭褪藥元香洗藍影青綢易得
淚承睫擊筑楚歌無故業歌殘求書好事人異代儻傳誥
綾帖

雪中方四隱君訪宿有詩憶鹿田風雨舊遊奉和併
呈吳六贊府

金華入北山空響出靜崢鹿田在其顛肺石鳴風雨有客
六七人昔遊至其處唯我愁不眠起坐蹴君語謂此定何

聲百感生離緒玩非琴與瑟復異砧將杵醉者呼不應愁
者自爲苦空櫺冷孤衾展轉如巢樹溼歌散餘悲以足拊
柱礎爾來又七年欲至困羈旅傳聞老桑門已復蟬蛻去
入山惡少年巾鉢空其聚乃知人世閒何者爲客主而我
同懷人忽復異處所夢中遙相望各抱不售賈有客不同
遊亦是同懷者地主況有期輿馬不待假儻規宿山中崎
人不應舍

效孟郊體

閑庭生柏影待藻交行路忽忽如有人起視不見處牽牛
秋正中海白夜疑曙野風吹空巢波濤在孤樹

閨中玻瓈盆貯水看落月看月復看日日月從此出愛此
日與月傾瀉入妾懷疑此一掬水中涵濟與淮淚落水中
影見妾頭上釵

哭正節徐先生

淒涼攜子女冠佩赴重陰塌井千年事青天此夜深哀辭
山石刻卹典海舟沈里族南薰夢東都直至今

送汪十

多年隱賣漿此去結山房埽菌侵花落種松如草長老期
秋欲至貧味水初嘗歲晚逢樵獵音書定不忘

哭所知

總戎臨百粵花鳥瘴江村落日失滄海寒風上薊門雨青
餘化血林黑見歸魂欲哭山陽笛鄰人亦不存

山陰道中呈鄭正樸翁

揚柳遠天色野風來水涯異鄉同夢客今雨故人家越樹
夜啼鳥禹陵冬落花悠悠江海意爲爾鬢先華

寒食姑蘇道中

頻年感烟草荒冢幾人耕吳楚逢寒食山村見獨行
月不死江晚汝徐生到海征帆影悠悠識此情

秋日憶過秦國公主園

野影林檎盡山昏瓦塔齊涼宵風雨過一雁西南啼嵐霧
洗巾悅井泉生痰藜傷心拂塵塵衣淚溼空綈

西臺哭所思

殘年哭知己白日下荒臺淚落吳江水隨潮到海迴故衣

猶染碧后土不憐才未老山中客唯應賦八哀

萬松道中望南太白

筍輿行萬山中有卞壘亭老樹祇一色野公逾百齡柴關
當太白藥氣近樵青罔草黏枯翼巢枝落退翎期探幽谷
水共斷松根苓艾納下天雨塵風吹冥冥

採藥候潮山宿山頂精藍夜中望海

蛟門南去鳥此地望迢迢積溼侵幡黑生寒入夢飄見燈
歸船夜聞偈解衣朝土植皆爲藥山枝不滿樵暗光珠母
徙秋影石花消擬候槎回漢寧甘客老遼卻尋徐福島因
問秦皇橋于彼看日出羽旌焉可招

以上晞髮集

過杭州故宮

禾黍何人爲守闈落花臺殿暗銷魂朝元閣下歸來燕不
見前頭鸚鵡言

紫雲樓閣讌流霞今日淒涼佛子家殘照下山花霧散萬
年枝上挂袈裟

重過

隔江風雨動諸陵無主園池草自春聞說就中誰最泣女
冠猶有舊宮人

春閨詞

手觸殘紅頭嬾梳香墮蝴蝶上衣裙暖風吹睡無言語又
向牀頭看夢書

山中道士

山中道士服朝霞二十修行別故家畱客一杯清苦蜜蜂
房知是近梅花

秋夜詞

愁生山外山恨殺樹邊樹隔斷秋月明不使共一處

秋社寄山中故人

燕子來時人送客不堪離別淚霑衣如今爲客秋風裏更
向人家送燕歸

以上喻髮道人近稟

方鳳

鳳字韶卿一字景山婺州浦江人試太學舉禮部
不第特恩授容州文學歸隱仙華山同里義烏令
吳涓闢家塾敬事之疾革命子樗題其旌曰容州

示不忘也時稱爲巖南先生有存雅堂稟

襲聖子評岳南詩云由本論之在人倫不在人事等而上之在天地不在古今

北山道中

起犯春霜一徑寒清遊乘興約吟鞍眼中最恨友朋少塵
外頻聞山水寬溪落舊痕枯野埠樹浮空翠溼危欄巖頭
幾處懸冰白已作羣羊化石看

西鹿田寺聽雨

禪棲投倦客山雨起更闌窗葉散幽響石林生峭寒洞深
猶暗瀑江遠忽風湍想像雲蘿外應宜晚色看

賦三洞

金華北山三洞天垂簪欲往金華顛春風吹衣雨洗履瘦
筇忽挂蒼山烟山高地平走幽澗根絡石上森梗楠步從
飛橋瞰石洞厓色閱世知幾年風痕霧迹化異物龍首昂
左尾右旋就中暗穴如墓頤急水瀉碧鳴媧弦遡流束炬
照徒涉肩背擦石行拳攀水窮路夷內景得以炬交燭窮
幽元細紋蹙波湧浪接皓彩疑雪飛霜鮮大爲獅子虎犀
象瑣碎亦復峰屯然蜿蜒雙蟠角尾具一一玉爪拏蒼堅
穹龜負甲色深墨長蛇白質相縈纏鐘能鐘聲鼓能鼓不
假縱虞知誰懸直櫺斜檻藏漏室短畦長町移原田青雲
白霓五色霞笑畫敗絮畱丹鉛中途經過最深窅伏身低
眺洞口泉空明一隙隔遠見秋蟾浴海光嬋娟左巖架衣
頗橫亘疊摺衆皺垂蹠蹠自餘神怪不可極似鑿非鑿鐫

非鑄出登山腰叩中洞外視石井聞潺潺入深路險思絕
綆長竿揭炬後且先水簾可俯心爲掉到此十九歸言過
嗜奇不憚歷磊何足以目故差輕便翻身卻望水簾處銀
河天落懸吾前常情疑復下百尺積水定作神龍淵石乾
徑闢卻易進玉筍拔地修而圓宜爲淵處乃爲屋亦或摩
蘇題新篇同遊疑我久未出笑謂豈欲井底眠林幽風起
日已晚猶睨高洞山之巔薪蒸可買樵我導不遠數里仍
攀緣傍從石壁入深坵如鐵戶限瓊爲櫺儼然海相挂珠
絡熟視豈信非夸傳左爲朝真正面入便想笙鶴遊羣仙
雲霞波濤仙衣裳奇詭豈必下洞專欵然修梁架巖起左
右蒼白龍形全望中極底勝漆黑雙扉隱隱起半邊天光
一道燭扉內知此明罅從何穿霽深壁峭不可往安得插
羽如飛鳶嗟余茲遊尚牽俗身所驟歷辭難宣但思乞水
學坡老洗眼看字消餘年

金華紀遊詩

赤松上下雨霏微八詠樓頭重拂衣西港晴來汀草長北
巖幽處洞泉飛風敲定磬鹿春過月滿丹臺鶴夜歸歷覽
因知古詞客盛誇雲夢未全非

以上存雅堂遺稿

哭陸秀夫

祚微方擁幼勢極尚扶顛齧背舟中國龍胡水底天鞏存
周已晚蜀盡漢無年獨有丹心皎長依海日懸

金華雜識

仙華山

仙華蠱萬仞我乃廬其東日夕與山對今茲踏岑龍起左
信奔鹿當前任啼猿大嘯崖石裂一覽天宇空蒼松飽風
雨絕壑挂老龍樵斧不得脫撫根憩吾躬逸哉軒轅氏問
道由崆峒龍髯一以遠千載悲遺弓猶傳少女靈鍊玉于
焉官山林重帝胄香火明民衷我來重懷古攬涕臨西風
何當速刺飛一洗磊落質

金華府志

吳思齊

思齊字子善括蒼人家永康由任子入官監新城
稅調嘉興丞宋亡後主浦陽吳涓清翁家與謝臯
羽方韶卿友好同臯羽登嚴陵西釣臺哭文丞相
臯羽卒又與同人會哭于小爐峯嘗與韶卿倡和

臯羽序而題其編曰風雨集

日瑄按臯羽西臺慟哭記語多
瘦詞稱文山為唐宰相魯公三

友人為甲乙丙明初張孟兼丁注以甲為吳思齊乙為馮桂芳丙為翁衡
程敏政宋遺民錄思齊由任子入官為嘉興縣丞洪提刑起畏辟置類田
吏用事者言辨此可通籍思齊以民怨嗟非得也賈氏柄國上將以鹵
簿臨其母喪文侍郎及翁將上疏論之懼禍中止思齊以書勗之曰叱嗟
而母婢也公不可默俄不願仕請監南嶽廟流寓桐廬值宋亡不出獨與
方鳳謝翱方燾友善自號全歸子大德辛丑卒
宋濂吳思齊傳思齊所著書有左氏傳闕疑擬周公瑾平荊州碑司馬孚
贊汝社詩集

題鹿苑寺壁閒記魯簡肅公羅漢見夢事

是法本平等無怠亦無敬如何證無生卻來見參政

姚桐壽
樂郊私

語

詹本

本字道生建安人溫言正行丞相江萬里薦為郎
先致書本本方坐門前石上釣使者至問本居本

日前卽持竿渡溪去不知所終

春日攜客游武夷

山脚健枝梧百里插蒼峭
粼粼石可把曙色坐遠釣風水
眞筌筭歷落太古調衣冠帶莽蒼
山鬼驚二妙雲月正忘年
花鳥更索笑迴船翠凌亂吾道付長嘯

閑中

萬事問不知山中一樽酒
埽石坐松風綠陰滿巾袖

宿天台

風泉隔西屋獨夜寒
自生開窗失山色白雲壓前楹
累盡得瀟灑去住俱不驚
鼻息荅僧鐘霜露入殘更

以上谷音

皇甫明子

明子字東生四明人性豪宕
乘小舟挂布帆載琴尊書籍釣具
往來江湖至元丙子發狂痛哭蹈海

水國

水國淒涼往秋宵爛漫眠歸雲
猶帶雨墮月忽明船社稷資長算
髭鬚近暮年亂離棲不定百口託浮田

海口

窮島迷孤青颶風盪頑寒不知是海口
萬里空波瀾蛟龍峙幽沈怒氣雄
屈蟠崢嶸抉秋陰挂席潮如山
熒惑表南紀天去何時還雲旗光慘澹
腰下青琅玕誰能居甬東一死諒非難
嗚呼朝宗意會見桑土乾

京口行

京口兵可用酒可飲一語參差族成血忠賊相持各凜凜
豈知好醜隔形骸父爲孔鸞子爲鳩人衆天定理則那遺
臭流芳且高枕以上谷音

鮑 輓

輓字以行括蒼人性嗜酒授簡萬言教授得錢悉
送酒家遇客盡飲乃去晚益傲誕衲衣髻結游青
城不返

襄陽行

今日何來春氣柔東城騎馬花綢繆爲君停馬一呼酒花
前倒披紫綺裘玉脂汎濫魚鳥飢歌舞倦矣蛾眉愁千金
萬壽好賓主今我不樂歲如流豈比世上狂馳子一語不

合行掉頭嗚呼天倫古所定非有大故寧相尤

天馬

天馬抱奇相緊骨瞳方明出入百萬中有如一鳥輕宇宙
莽趨踏風雲慘經營獨倚雄傑態蕭蕭隨北征朝飲南海
頭夕秣乃幽并失主坐黯淡別羣奮長鳴豈無輕俠兒金
羈懸朱纓但感束帛義不忍負死生低頭爲君老喑喑萬
里情

重到錢唐

生死雙飛正可憐若爲白髮上征船未應分手江南去更
有春光七十年

無賴山光疊疊青玉魚金盃早飄零冷思禹穴真奇事千

古衣冠託杳冥

萬家歌舞送浮生曾有涓埃答太平
猿鶴沙蟲天始定不須辛苦怨南征

聞道深春雪打圍誰憐身上藕絲衣
莫憂白壁成塵土解逐南風萬里歸

唯有寒潮不世情朝朝暮暮過空城
百年車馬闐門外獨獨春風草又生

以上谷音

崔 璆

璆字子玉京口人美風儀善談論
晚病狂攜大瓢貯酒行市拍掌歌笑未死十日自表石題曰醉鄉伯崔璆之墓

攜殘鉞汎江

酒星落京口化爲崔子玉孤舟載壺觴
水花紅映肉小兒唱銅斗大兒倒醺醪
一笑不知年浩蕩天地屋慎勿臨竇呼人生隨轉燭嗣宗禮法仇鍾會被殺戮

咄咄

咄咄復咄咄小兒成老翁
么微各形色追琢元化工不知春風去又見千綠叢
主人美容懷載酒行溪東一步一回首十步尊已空靈
均與太白醒醉同所終願見化蟻蠓生
死託壺中

今日一何好

今日一何好花下醉狼藉
醉中有奇事夢見生羽翼浩蕩

排虛空靈君好顏色朱衣持大篆授我醉鄉伯頓首玉璚
下臣瑯才蟣蝨封此抑何功請陳愚頑臆臣家京口東門
前大江碧臣願駕長風吹作酒萬石萬象各千鍾拍拍大
庭國推枕在山中紙衾霜曉月

以上谷音

魚潛

潛字德昭姑孰人敦重和易推分澹泊不忤于物
所居環堵埽地焚香彈琴讀書養鵝鴨百頭以給
食終八十餘

楊白花

楊白花誰教度簾幙搖蕩春風能幾何不比無情自漂泊
人生祇合作支離長秋鷓啼江水落

古意二首

青青陵上柏落落勁不摧人生百年內朝夕變所懷斗酒
命同好萬里不顧回聞有昌國君談笑黃金臺柔言更長
跪信是富貴媒但恐氣習移古今不同才寄言去國者歲
晚有餘哀

權衡豈公平天駟但伏櫪東井不救渴倉庫何時實元工
有假借名器甚可惜如何萬萬古不行督責術

送鄭祕書南歸

垂老乃如此憑高俱惘然空能正幾字好去作千年童子
歌鷓鴣幽人拜杜鵑江花獨爛漫春去得誰憐

聞歌

流雲行水出名姝酒盡花前雙玉壺此曲江南都忘卻春風轉調小單于

以上谷音

柯芝

芝字士先瑞陽人早通五經善詞賦又詣行在所見章祕書求讀書省中益通諸家教授生徒著書百餘卷

餘髮

餘髮蕭蕭白垂領十年一拙門庭冷來頻沙鳥頗相識起晚鄰雞已三請形骸挂樹豈復好心緒如蓬不能整平生幾緇空馭駮老去一杯先酪酏俗言祇虞方鑿迕人事但愜幽居屏聖賢未必盡芻狗天地何堪共畫龜若爲苴履曾足芥幸不柳衫真欲瘦一聲樵響何處來獨立看雲發深省

耳耳

耳耳非佳語陸陸難爲顏我生胡不淑多戚長鮮歡搖落復已綠春風滿江干最靈起予興欲言骨肉酸園桑摧爲薪桃李亦半殘翹冀企晴燠九室十更寒飛錢如美色乃入貴者闕止間有穀賣窮欄朝無饘不售信感隱徒手良抱歎宛轉愒餘息溝壑分寸閒吾輩正不免遑暇卹彼瘵

橫江

橫江一片碧攜鶴上漁船收綸不成下卻抱釣竿眠

以上谷音

柯茂謙

宋詩集卷之六
三
茂謙字退之芝之子

江行早發

陶鑪煮孤影寒燈沸青花冰開數江樹月落失人家

魯港

賈似道喪師之地

十年回首付霑襟斷甲沈沙齒齒深可惜使船如使馬不

聞聲鼓但聲金人歌鬼哭都堪淚木落江空正獨吟遺老

蕭條漸無語酒旗颭颭出蘆林

以上谷音

師嚴

嚴字道立襄陽人讀書識大義善槊射自園中拔

身走行在所上書論事不報拂衣去客死武陵

蘭五見訪

漢陰美人青兕裘獨騎瘦馬尋荒正花前下馬迎一笑珠

玉在側形骸羞酒酣散髮箕踞坐錦帶爛爛懸吳鉤刺蛟

刺虎好身手碧瞳如水涵清秋惜哉科目大脫畧壯士豈

爲章句囚中原格鬪困不已江波木落寒悠悠

武陵客居

浩蕩千年調飢寒八尺身不愁逢魍魎可笑繫麒麟殘雪

江村路空山澗水春時危終遠去道在豈全貧

公安早發

去國秦公子窮途阮步兵別離如昨日豪俠異平生江月

爲誰好巴船何處行高秋伴搖落早發若爲情

以上谷音

卻定

定字中立廬陵人溫粹博雅通周易春秋宅邊植
梅竹蘭桂蓮菊各十餘本深衣大帶婆娑其閒自
稱六薌老人

山中

白日看雲坐清秋對雨眠眉頭無一事筆下有千年

漁家

漁家臨水住春盡無花開年年謝流水流得好花來以上谷音

宋詩紀事卷七十八

宋詩紀事卷七十九

錢唐厲鶚緝

平湖鮑詢勘定

張琰

琰字汝玉廣陵人身七尺長髯有節槩補州牙兵
隨制置李庭芝潰圍南赴行在所追者及之麾下
鳥獸散琰獨鬪死

出塞曲

腰間插雄劍中夜龍虎吼平明登前途萬里不回首男兒
當野死豈爲印如斗忠誠表壯節燦爛千古後
朝發山陽去暮宿清水頭上馬左右射捷下如獼猴先發

服勇決手提血，獨饑兵家互勝負。凡百慎前籌。

官柳

不見樓東黃布帘，樹猶如此我何堪。裊裊亭亭忒無賴，又將春色誤江南。
以上谷音

熊與蘇

與蘇字天樂，豫章人性介澹，無妻不食肉，通經史。百氏之書，布衣草屨，遨遊諸名山，尤嗜彈琴草書。

唐元宗鐵像

魏冠攢疊碧雲花，坐閤山中幾歲華。莫把金丹輕點化，正愁生死困安家。

木平飼龍亭次韻方巨山

耳見何如得眼聞，山根磅礴極初分。浮漚起滅自潭影，大地晴陰空嶺雲。何處老人來聽講，他年少府有移文。由來清調須吾輩，幸不山王媿五君。
以上谷音

晏父

父字明粲，宜春人。風度秀整，主趙崇灑後灑，逮繫父自請詣獄，俱以瘐死。

訪吳

平生一語不冝吐，浩然披髮行西林。美人十日跨驢出黃葉堆門雲雪深。

夢中

春樹年年少，寒雲浦浦連。片帆高浪起，斗酒夕陽偏。沙市

宋詩紀事卷七十一
懷司馬州城笑老邊太平冠蓋盡爾敢望諸賢

以上谷音

楊應登

應登字幼平臨江人寬厚長者有德行言辭七試
國子不第退就耕牧老于南塘

水宿

水宿逢今雨春歸返故園聖朝臣已老往事客何言乞米
分鄰里看書到子孫蒼茫不可會一笑了清樽

寄趙梅州

江城雁叫天如水寒色蒼蒼草木死哀歌未斷月東出有
才無命可流涕今我不樂思梅州束帶深衣百僚底天下
規矩見卓絕龍章麟角諸公子白頭時節得蠻府歸來閉

門呼不起惆悵平生狗馬病風后力牧長已矣爲公問酒
日日酤熏天富貴憂患始

以上谷音

楊 雯

雯字天章應登之孫

迢迢空同山

迢迢空同山乃在西極巔玉泉蔭靈芝上有千歲仙安得
凌風翼相從白雲閒神仙本冥漠天運仍推遷不如酌我
酒或得成自然田父要我語飲者亦非賢願君長獨醒加
餐足高年

宋武帝廟

溪聲蒼松風巨石出老拳古樹不知名岌岌蛟龍纏夕陰

互出沒秋華帶芳鮮
蔥蔥帝王氣棟宇垂
千年虎賁秉霜戟
慘澹生雲烟
宮人翠龍駕手持玉連蜷
昌明坐恍惚精
神靄在天大呼司
雍閒旬月無秦燕
昔爲萬夫特今受衆
目憐石馬亦埋沒
歲時草芊芊小臣異
代士見之淚迸泉
齊人思爽鳩蜀人哀
杜鵑江東舊正朔
禮奉敢不虔但願
君王心不忘載荻船
下山又再拜白日當
空懸

北客

北客相催發一日舉千帆
遙憐庾開府歲晚望江南

宿峽市

人烟正搖落樓笛頗清圓
老樹依山驛東風上峽船
江湖萬里外燈火十年前
世路能令老吾生且醉眠

早春

不知何處碧雲鄉
冉冉平生可斷腸
怪底乾坤惟理在
老來歲月更心長
城頭急鼓千家夢
江上殘梅一水香
自作醉侯開醉國
笑人奔走爲誰忙

以上谷音

趙卯發

卯發昌州人通判池州權州事元兵至同妻雍氏
縊死

裂衣書詩寄弟

城池不高深無財又無兵
惟有死報國來生作弟兄

昭忠逸
詠注

唐 珏

珏字玉潛號菊山會稽人

冬青行

馬箠問饒行南面欲起語野鷹尚屯東何物敢盜取餘花
拾飄蕩白日哀后土六合忽怪事蛻龍挂茅宇老天鑿區
區千載護風雨

冬青花不可折南風吹涼積香雪遙遙翠蓋萬年枝上有
鳳巢下龍穴君不見犬之年羊之月霹靂一聲天地裂

夢中作

日瑄按遂昌雜錄作林景熙今從輟耕錄作玉詩

珠亡忽震蛟龍睡軒弊寧忘犬馬情親拾寒瓊出幽草四
山風雨鬼神驚

一坏自築珠土雙匣親傳竺國經獨有春風知此意年
年杜宇哭冬青

昭陵玉匣走天涯金粟堆寒起暮鴉水到蘭亭轉嗚咽不

知真帖落誰家

珠鳧玉雁又成埃斑竹臨江首重回猶憶年時寒食節天

家一騎奉香來

輟耕錄歲戊寅有總江南浮屠者楊璉真伽怙恩橫肆勢醜燦人不可具
狀十二月十有二日帥徒殺頓蕭山發趙氏諸陵寢至斷殘支體攫珠襦
玉柙焚其齒棄骨草莽間時年三十二歲聞之痛憤亟貨其家其得白
金百星許執券行貸得白金又百星許乃其酒醪市羊豕邀里中少年若
干輩狎坐讌飲酒且酬少年起請曰君儒者若是將何為焉唐慘然具以
告願收遺骸共瘞之衆謝曰諾中一少年曰發止中郎將耽耽餓虎事露
奈何唐曰余固籌矣今四郊多暴骨取竄以易誰復知之乃斲文木為匱
覆黃絹為囊各署其表曰某陵某陵分委而散遣之藪地以藏為文而告
詰且事訖來集出白金羨餘以酬戒勿泄越七日總浮屠下令哀陵骨雜
置牛馬枯骨中築一塔壓之名曰鎮南杭民悲切不忍仰視了不知陵骨
之猶存也禍流不爽流傳京師上達四聰天怒赫赫飛風雷號令掉首禍
者北焉山陰人始有籍籍傳唐氏者由是唐之義風震動吳越聲生勢長
若胥江掀八月之濤名雖高固自若明年己卯後上元兩日唐出觀燈
歸忽坐墮息奄奄若將絕者良久始蘇曰吾見黃衣吏持文書來告曰王

名君導之往觀闕魏我官宇觀麗殆非人世間有一冕旒坐殿上數黃衣
貴人遂巡降揖曰藉君掩骸其有以報唐乃陞謁造王前王謂曰汝受命
寢且貧兼無妻若子今忠義動天帝命賜汝伉儷子三人田三頃拜謝降
出遂覺罔不知其何也踰時越有治中袁俊齋至始下車爲子求師有以
唐薦者一見置賓館一日問曰吾渡江間有唐氏廢宋諸陵骨子豈其宗
耶左右指君曰此是已袁大駭拱手曰君此舉豫讓不能抗也曳之坐北
面而納拜焉禮敬特加情款益篤叩知家徒四壁惻然嗟矜語左右曰唐
先生家甚寒吾當料理使有妻有田以給左右逢迎爰諏爰度不數月二
事俱備聘婦偶故國之公女負郭食故國之公田所費一一自袁山人固
奇唐之節而又奇唐之遇兩高之曰二公真義士爾後獲三丈夫子鼎立
願願凡夢中神所許稽其數無一不合咄咄怪事乃如此唐葬骨後又于
宋常朝殿掘冬青樹植于所函土堆上有詩云云

王英孫

英孫字才翁一作子才號脩竹會稽人少保端明殿學

士克謙之子仕將作監主簿家饒于貲宋亡後延
致四方名士賦詠相娛與山陰徐受之天祐並爲

一時人士所宗

林霽山王脩竹詩序云子數從公游嘯吟泉石每一篇山有飛出字前之
槩已而斂入絲粟寂乎無聲使人三歎不能已

岳武穆王墓

埋骨西湖土一丘殘陽荒草幾經秋中原望斷因公死北

客猶能說舊愁武林舊事

題高房山夜山圖

等閑吳越在毫端燈燭微茫月影寒一曲危闌人獨倚江

山渾在夢中看鐵網珊瑚

寶林寺

飛來幾千載臺殿壓岩堯落日飛仙鼠秋風下健鷗山腰
微露石海眼暗通潮堪歎元英後詩名竟寂寥越詠

陳觀國

觀國字用賓會稽人王脩竹監簿之友

送鄧牧心出陶山

青山無送迎幽人自來去落葉若相送卷卷及行屨簷端
有孤雲仍爲守其處落葉惜人不在山孤雲尚期人再還
斯人可期復可惜我處落葉孤雲閒

吳禮部詩話

柴元彪

元彪字炳中號澤臞居士官察推有轍線集

錢唐懷古

百年朝市舊登覽若爲情落日銅駝陌東風夾馬營路隨
荆棘斷城與黍離平可惜西湖月燒燈雨度晴

僧房夜冷

山冷沒禁當那堪更漏長寒欺秋後扇風試夜來霜菱白
心如墨冬青子亦黃祇宜煨芋栗齧引對緇郎

秋日江郎道中

豆花疎雨浥輕埃野店新涼入酒杯草帶斷烟棲古道樹
含殘靄翳荒臺湖光隱見萍分合山色有無雲去來滿眼
秋光無盡意三峯萬古碧崔嵬

灌花

小圃辛勤植衆芳年年雨露借恩光近來天氣高難問抱
甕從朝到夕陽

上中齋相公

年年長是客天涯幾向天涯夢到家歸到故家無一事免

葵鷲粟正開花

以上柴氏四隱集

黃庚

庚字星甫天台人嘗客山陰王脩竹監簿家與嚴
陵胡天放永嘉林霽山遊越中詩社試枕易題推
爲第一有月屋漫橐

王脩竹館舍卽事

池館翠涼處寬閑稱客居未仙猶闔苑不夢亦華胥竹淨
堪居鶴荷香欲醉魚心清無箇事長日一編書

秋色

山陰詩社中選

憑高望不極望斷動愁情落日淒涼處西風點染成丹楓
明野驛白水浸江城馬上人回首戎戎黯客程

鶴林仙壇寺

古壇歸鶴杳野鹿自成羣嵐氣浮清曉鐘聲出白雲樹穿
僧屋老水到寺門分入世無窮事山中了不聞
見雁有懷

滿眼西風憶故廬親朋音問久相疎年年江上無情雁只
帶秋來不帶書

枕易

越中詩社試題都魁

古鼎烟銷倦點朱翛然高卧夜寒初四簷寂寂半牀夢雨
鬢蕭蕭一卷書日月冥心知代謝陰陽回首驗盈虛起來
萬象皆吾有收拾乾坤在草廬

舟次撈菰廟

短檝衝寒過浦東扁舟一葉載詩翁斷烟流水殘鴉外古
木荒祠夕照中吟罷小樓何處笛酒醒孤枕半江風潮生
潮落朝還暮堪歎浮生似轉蓬

偶書

頻年蹤跡墮江湖三徑苔荒憶舊廬身老方知生計拙家
貧漸覺故人疎松薪拾去朝炊黍漁火分來夜讀書怨鶴
驚後應待我台山河日賦歸歟

以上月屋漫稿

顧逢

逢字君際吳郡人宋末舉進士不第學詩于周彌
稱顧五言自署其居爲五字田家後辟吳縣學官
別號梅山樵叟有船窗夜話負暄雜錄及詩集

善權寺

英臺讀書地舊刻字猶存一閣出霄漢萬松連寺門洞深
雲氣冷池淺鹿行渾山下流來水風雷日夜喧

宜興縣志

早秋湖上

藕花香裏去獨坐自尋詩秋意在何處夕陽將下時鳥幽
忘立久山好覺行遲飲興忽然動橋邊有酒旗

雪中同鄭所南訪趙溪梅

移宅雖然遠攜筇到兩回只知相別去不道又重來溪鱗
和冰煮鄰醅帶雪開詩家堪入畫滿眼玉樓臺

以上珊瑚木難

林同

同字子真號空齋處士福清人以世澤授官棄不

仕元兵至福州監丞劉全子糾義兵卽其家置忠

義局敵至同死之有孝詩一卷

劉後村跋子真性純孝父寒齋病左右侍湯藥至不忍入州應舉嘗赴胄試白里抵家得詩一卷十之九皆思親之言年未四十慨然罷舉志尤潔非躬耕不食植梅百株日哦其下

魏孝子

役于大國陟彼岵兮瞻望母兮狄仁傑登山望雲曰吾親舍其下

念母嗟陟岵思親徒望雲可憐魏孝子不比狄參軍

韓伯瑜

母杖不痛哀母力弱對母悲泣梁彥先使焦通觀其像通感悟盡

母力今衰矣悲啼得杖輕流風在繪像猶足感焦生

徐庶

辭先主曰老母見獲方寸亂矣王陵母曰為語陵母以老妾故持二心

不勝方寸亂豈暇二心持忍矣王陵將賢哉徐庶辭

桓沖

小字買德郎母病須羊以解以身質羊後為江州刺史

不辭身作質只為母須羊此日江州牧當年買德郎

文中子

汾水之曲有先人之敝廬在在田可以具饘粥彈琴著書不願仕也

先人舊所理汾曲有田廬何意求聞達彈琴自著書

王悅

導之子有高名事親色養諸子莫及導見輒有喜色

色養傾餘子高名重一時足為丞相喜豈計外人知

木蘭

古樂府云阿爺無大兒木蘭無長兄願為市鞍馬從此替爺征

謹勿悲生女均之有至情縈能贖父罪蘭亦替爺征

以上孝詩

陳巖

巖字清隱青陽人生宋末有九華詩集

會仙峯

在九華中峯之側趙知微嘗中秋遇雨率其徒登峯上月出雲淨諸峯呈露及歸復雨因名之

仙袂飄飄拂翠巖知微來此宴羣仙人閒風雨山閒月始

信仙家別有天

碧桃巖

自要貪閑非避秦洞門隔斷世閒塵山中不置四時歷開
到碧桃知是春

以上九華山志

馬南寶

南寶香山人景炎二年端宗航海過邑獻粟千石
拜權工部侍郎宋亡于厓山被執死之

句

目擊厓門天地改寸心難與夜潮消 衆星耿耿滄溟底
恨不同歸一少微

廣東通志

王奕

奕字伯敬玉山人官本州教授自號玉斗山人有
東行斐稿

絕句呈周日湖

草帶黏天只辨星燧樓盡化作郵亭柳橋梅驛多來使只

寄山中養鶴經

玉斗山人集

送謝疊山先生北行

皇天久矣眼垂青盼盼先生此一行遺表不隨諸葛死離
騷長伴屈原清兩生無補秦興廢一出仍關魯重輕白骨
青山如得所何須見女哭清明

西江詩話

何行

行字自強廣昌人生宋末爲武平令

題龍泉觀

蓬萊境界隔風烟一帶銀河接九天
禮斗瑤臺春草合參龍石鉢玉沙圓
紅雲幾片危樓上古木千尋落照邊
惆悵仙人何處去空餘月色滿山川

西江詩話

吳侗

侗字尚賢歙人有漁磯脍語

句

舊聞有西山松風六月寒
明當整襟屨舒笑青雲端
招手塵外人淪泉采芳蓀

夏暑方回桐江集

江凱

凱字伯幾號雪在婺源旃院人許山屋之客山屋

愛之妻以子

相士俞方塘

方塘之鑿形可識方諸之鑑心始得相形何如更論心以
貌取人當有失君不見虞皇項籍兩重瞳成湯曹交皆九
尺

新安文獻志

汪炎昶

炎昶字懋遠婺源人紫巖族孫有古逸民詩集

趙東山云古逸先生詩微婉適勁亦時出于悲壯激烈

書興

時時溪上行或與幽人遇手把一編書共倚崖邊樹
鷺近始暫飛魚驚卻重聚佳景不待求足熟自知處稚子愛相

隨似亦耽幽趣

香巖院

翠嶺疲幽徑扶持仗瘦筇斷崖何處路細雨隔山鐘
後竊重簾果僧樵臥澗松人言深僻處別更有靈蹤

南山

宣平隱處今始過烟霞城郭路幾何野渡誰浮夕陽艇空
山尚響樵人歌石壇荒涼疊苔蘚谷鳥啁晰深松蘿何當
更值買酒至一笑使我朱顏酡

聞笛

荒村犬吠人猶行驚鳥亂啼山月明南鄰擣砧適復罷何
處吹笛秋更清疑含白龍堆外怨不恨黃鶴樓中聽螢飛

露下百草溼倚風激烈思平生

過往歲避地之所屋毀人遷

依舊蒼苔小徑斜當時從此入山家心疑謬誤還疑是雨

溼棠梨一樹花

以上新安文獻志

黃誠性

挽文丞相

三百餘年樂育恩晚從科目得斯人崎嶇嶺海期年國零
落瓊毛萬死身諸葛未亡猶有漢包胥欲泣更無秦挑燈
忼慨歌梁父鬢髮蕭森雙鬼神

吳禮部詩話

葉林

林字儒藻一字元文

一作去文

號本山錢唐人生宋末

隱大滌山冲天觀與鄧牧深相得或欲薦之朝聞
其清議而止大德丙午書偈案上泊然而化衆稱

高行先生

至道宮

猶存巨鑊記熙豐翠藹春深古路通千百春鋤一株樹野

田飛下雪花風

洞霄圖志

石室洞

低垂石室洞杖屨易躋攀有路穿雲窟無門對月關誰騎
仙鹿去我笑國蝸跼若使今猶昨清宵聞佩環

又登石室作

遠游貞白二仙家今日追尋路不賒七十二叢秋色裏有

人曾約去看花

石徑春深疊古苔洞天無鑰爲誰開白雲本是無心物風

趁松花作雨來

以上洞霄詩集

鄧剡

剡字光薦號中齋廬陵人祥興時歷官禮部侍郎
丞相文信公客也厓山兵潰爲張弘範所得教其
次子得放還有中齋集

挽文信公詩

憶公淚懸河九地無處瀉想公騎赤龍請命蒼梧野世人
醉生死翻笑獨醒者焉知千載英精爽皎不夜義士無廢
與時運有代謝念昔喪亂初公騎使君馬奮袂起勤王忱

慨淚盈把須臾三萬衆如自九天下燈棊書檄交笑語雜
悲咤捧土障洪河一繩維大廈至哉朝宗性百折終不舍
身北冠自南血碧心冝化顏鉤凜忠勁杜詩蔚騷雅晉陽
骨肉冤東市刀兵解精誠揭天日氣魄動夷夏丈夫如此
何一死尤足怕田橫老賓客白髮餘息假有時夢巖電意
悟當飄灑非無中丞傳殺青自誰寫魂歸哀江南千秋俎
鄉社吳禮部詩話

鷓鴣詞

行不得也哥哥瘦妻弱子羸特馱天長地闊多網羅南音
漸少北語多肉飛不起可奈何行不得也哥哥遂昌雜錄

步月

盈盈當春月含情隔幽樵好懷不自制起坐可一庭百蟲
未敢怨卉木正蔥菁餘光散草露乃復似秋螢

夜聞雨聲歸思浩然

西風響高樹鄉夢去帆前稚子衡門下先塋亂葉邊老來
多一出歸去恰經年海燕巢何晚秋期落爾先

午坐後亭

隔簾遲日午風微社燕驚寒未冝歸讀了丹經成默坐時
時一片杏花飛

望夫山

朝望夫暮望夫一夕化作山石枯潮水去卻回行人來不
來以上天下同文集

題龍山鐘

豐山背後鐘霜月平原定夜半響鯨音隱隱天地應山靈
鶴夢醒獨聽還獨詠蕭蕭蓬蒿中收入杜陵徑

青原山志

避亂至烏巖山贈承節趙公

山在香山縣東南

流水桃花又避秦誅茅西崦結為鄰如公尚友浮北伯顧
我早師梅子真基酒從容新里社衣冠蕭散古遺民他年
史傳收芳跡應許牽聯作隱人

廣東通志

甘詠

詠字詠之一字中夫崇仁人生宋末工詩不娶有

東溪集

自述

總角希聞道殘生乃付詩未曾前輩識敢辱近人知飄泊
身餘健蕭閑鬢欲衰一簾書四壁寒日在清池

過南湖

忽有一事礙胸次擺脫不去呼酒來冥冥濛濛混沌在坦
坦蕩蕩虛空開精神一生畱筆墨形骸昨夜為尊壘年年
看梅今白髮晴日江路行莓苔

以上天下同文集

林昉

昉三山人

送西秦張仲實遊大滌洞天

此時仙興發九鎖訪名峯玉洞晝飛鼠石池春浴龍異人
花外見道士酒邊逢余欲采芳茗白雲何所從

洞霄詩集

羅公升

公升字時翁吉之永豐人大父開禮從文丞相勤
王兵敗被執不食死公升以軍功授本邑尉北游
圖恢復不果有滄洲先生集

秋懷

舊日方山子淒涼寄一簞蟲聲來倦枕秋思入凭闌已是
肱三折那堪指一彈中宵更風雨誰念客羶寒
避地

雨急啼鴉切山昏去客奔竄身楚南極獨立鄭東門卜處
無神琰招餘有斷魂死生毫髮事不足累乾坤

四海風濤日誰歟柱急流山東雄劇孟薊北化田疇氣靜

天闌晚星沈戍角秋如君關氣數寧不重離憂

演福寺

賈妃葬處

禕翟當年讓福人

妃與謝后俱入宮穆陵主意于賈楊太
后曰謝家有福遂立謝后

早亡何用羨

長春帝鄉坏土真無憾愁絕龍沙萬里身

以上滄洲集

尋春帝澤不土真無繼絲請少萬里良

以上集附集

蕪鬻當平蕪人

司曰據案有蕪並立據司
或與據司人官學劉主意干賈謝太

早古何用矣

蕪人

賈汝裝銀

天關劍星武刃魚灯吹昏關最樓寧不重續

宋詩紀事卷八十

錢唐·厲鶚 緝

歙 汪祖榮 勘定

鄭思肖

思肖字憶翁號所南福州連江人太學上舍應博

學宏詞科元兵南下叩關上太后幼主疏辭切直

忤當路不報遂客吳下寄食城南報國寺以終有

錦錢集一百二十四圖詩集成淳集中興集

車耕錄先生剛介有立志會天兵南叩關上疏犯新禁眾爭目之由是遂
變今名曰肖曰南義不忘趙北面他姓也隱居吳下一室蕭然坐必南向
歲時伏臘望南野哭而再拜乃逐人莫識焉工畫墨蘭不安與人邑宰求
之不得聞先生有田三十畝因脅以賦役取先生怒曰頭可斫蘭不可得
過齊子芳之書藝云此世但除君父外不曾別受一人恩寒菊云禦寒不
藉水為命去國自同金鑄心其忠肝義膽于此可見

遺民錄所削初名某宋亡乃改名思肖即思趙憶翁與所削皆寓意也坐臥不北向扁其堂曰本穴世界以本之十置下文則大宋也精墨蘭自更祚後爲蘭不畫土根無所憑藉或問其故則云地爲人奪去汝猶不知耶

伯牙絕弦圖

終不求人更賞音只當仰面看山林一雙閑手無聊賴滿地斜陽是此心

秦女吹簫圖

弄玉飄飄仙女姿鳳皇低舞久相期簫中應有別一曲飛

上青天影外吹

以上一百二十圖詩集

逢陳宜之

行李苦役役相逢古潤州千金一夜醉四海十年遊山靜鬼行月宵涼人夢秋近聞邊事急畎畝得無憂

送友人歸

年高雪滿簪喚渡浙江潯花落一杯酒月明千里心鳳凰身宇宙麋鹿性山林別後空回首冥冥煙樹深

防隱者

石竇雲封隱者家一溪流水繞門斜滿山落葉無行路樹上寒猿剝薜花

春日登城

城頭啼鳥隔花鳴城外遊人傍水行遙認孤帆何處去柳塘烟重不分明

春詞

春氣暄妍御夾紗玉釵雙鬢綠雲斜倚欄看徧庭前樹盡

是枝頭結子花

懷友

今日樽前忽憶君為憐秋事又平分坐來凝睇西風久過
盡天邊數片雲

春日遊承天寺

野梅香軟雨新晴來此閑聽笑語聲不管少年人老去春
風歲歲闌闌城

湖上漫賦

蘚崖蒼潤雨初乾石罅飛泉噴雪寒啼斷禽聲山更靜青
松影下倚闌干以上咸淳集

隱居謠

布衣暖菜羹香詩書滋味長

醉鄉

江湖初上玉船空假道青州一水通相去塵寰千萬里不
愁日夜不春風以上中興集

自題推篷圖

清曉清風吹過後露出青青一罅天一似推篷偷看見竹
林半抹古蒼煙

自題墨竹

萬頃琅玕壓碧雲清風幽興渺無垠當時首肯說不得不
意相知有此君以上鐵網珊瑚

龔開

開字聖子號翠巖淮陰人

吳萊海遺錄序聖子嘗與陸秀夫同居廣陵幕府宋亡潛居深隱立別
沮如坐無几席一子名浚每令俯伏就其背按紙作唐馬圖風驟霧鬣豪
軒蘭筋備盡諸態一持出人輒以數十金易之藉是不飢然竟以無所求
而死居吳之日高郵龔璠為忘年友時人謂之楚兩龔以比漢之兩龔

高馬小兒圖

華驄料肥九分臙童子身長五尺饒青絲鞵短金勒緊春
風去去人馬驍莫作尋常厮養看沙陀義兒皆好漢此兒
此馬俱可憐馬方三齒兒未冠天真爛漫好容儀楚楚衣
裝無不宜豈比五陵年少輩胭脂坡下鬪輕肥四海風塵
雖已息人才自少當愛惜如此小兒如此馬宅日應須萬
人敵老夫出無驢可騎乃有此馬騎此兒呼兒回頭為小
駐停鞭聽我新吟詩兒不回頭馬行疾老夫對之空嘖嘖

黑馬圖

八尺龍媒出墨池崑崙月窟等閑馳幽州俠客夜騎去行
過陰山鬼不知

瘦馬圖

一從雲霧降天關空盡先朝十二閑今日有誰憐瘦骨夕

陽沙岸影如山

以上吳禮部詩話

湯屋畫鑒云此詩膾炙人口真有盛唐風致

陸右丞君實輓詩

立事寧將敗事論在邊難與在朝分從來大地為滄海可
得孤臣抱幼君南北一家今又見乾坤再造古曾聞他年
自有春秋筆不比田橫祭墓文

數關天地人何與分在君臣禮可無周粟如山夷叔餒史
書猶日曰嬰誣舊邦新命方開化公法私情本不渝忠義
未須論彼此後先崇長是昌圖

以上陸右丞蹈海錄

自題中山出遊圖

髯君家本住中山駕言出遊安所適謂為小獵無鷹犬以
為意行有家室阿妹韶容見靚妝五色臙脂最宜黑道逢
驛舍須少憩古屋無人供酒食赤幘烏衫固可烹美人清
血終難得不如歸飲中山釀一醉三年萬緣息卻愁有物
覷高明八姨豪買他人宅侍口君醒為掃除馬嵬金馱去
無跡

鐵網珊瑚翠巖自記人言墨鬼為戲筆是大不然此乃書家之草聖也豈有不善真書而能作草者在昔善畫墨鬼有奴顏真趙千里千里丁香鬼

誠為奇特所惜去人物科大遠故人得以戲筆目之頗真鬼雖甚工然其用意猥近甚者作髯君野潤一豪猪即之妹子持杖披襟趕逐此何為者耶僕今作中山出遊圖蓋欲一酒頗真之陋庶不廢翰墨清玩譬之書猶真行之閒也鍾馗事絕少僕前後為詩未免重用今即他事成篇聊出新意焉耳

僕為虛谷先生作玉豹馬先生有詩見詡極筆勢之
馳騁乃以此詩報謝

南山有雄豹隱霧成變化奇姿驚世人毛物亦增價天上
房星浥瑞光孕成白馬而黑章為誰容易來中國風雪天
山道路長頭為王欲得方目為相欲得明脊為將軍欲得
強腹為城郭欲得張絕憐此馬皆具足十五肋中包腎腸
嗟予老去有馬癖豈但障泥知愛惜千金市駿已無人禿
筆松煤聊自得君侯昔如汗血駒名場萬馬曾先驅山林

鐘鼎今何有歲晚江湖託著書白雲未信仙鄉遠黃髮鬢
髮健有餘飲酒百川猶一吸吟詩何嫌萬夫敵我持此馬
將安歸投之君侯如獻璧君侯作詩稟馳騫八荒滿盈動
雷雨定知此馬知此意獨欠老奚通馬語曹將軍柱工部
各有一心存萬古其傳非畫亦非詩要在我輩之襟期君
侯君侯知不知

鐵網珊瑚

自題山水卷

谷口長松澗底藤石橋山路晚登登囊琴斗酒來何暮空
負寒齋昨夜燈

退谷消夏記

題趙鷗波高士圖

雪氣侵人臥欲僵苦勞明府到藜牀主賓問答皆情話何

用閑名入薦章

式古堂書考

張逢原

逢原字淵甫鹽官人橫浦先生之後官漳州簽判
宋亡不仕句曲外史伯雨其孫也

題高房山夜山圖

地位清高眼界寬盡收風景入毫端廢宮臺榭和煙鎖隔
岸江山對月看一水中分吳越近層樓低接斗牛寒有聲
畫意吟難了更把瑤琴膝上彈

鐵網珊瑚

王 鉉

鉉字介翁括蒼人嘗官縣尉當帝昺播遷棄印綬
歸隱湖山與尹綠坡虞君集葉柘山諸人結社賦

宋言集卷八十
六
詩有月洞吟

送默然上人歸天台

孤雲不定心持鉢度寒林野飯青蒲潔客程黃葉深海風
潮水發山雨曉煙沈歸到石橋日應看瀑布吟

早行

客程因太早卻費一更眠落月已歸海殘星猶在天櫓聲
荷葉浦螢火豆花田隔岸誰家起青燈遠樹邊

谿村

水路隨山轉谿晴踏輦沙斜陽曬魚網疎竹露人家行懈
上枯岸飢禽銜落花老翁分石坐閑話到桑麻

古杭感事

國事彫零王氣衰東南豪傑竟何之雲埋廢殿排班石草
臥前朝記事碑沙漲浙江龍去遠天寬北闕鳳歸遲可憐
不老吳山月曾照官家寵幸時

尹綠坡山閒吟所

苔痕分路見人家犬護籬根臥落花一片林塘詩境界四
時花果隱生涯鉏山揀日春栽藥汲水和雲夜煮茶耕錄
有文須點看旋搖松露入朱砂

芳庭植上人

苔侵坐處石頭青滿屋春雲不用扇入定醒來香印冷一
簾花雨溼殘經

段橋春望

拾翠車閑輦路塵山南山北杜鵑春誰家庭院東風裏吹
出桃花不見人

裁衣曲

燒罷心香午夜闌玉纖輕捻剪刀寒衣成恐不如郎意獨
試燈前照影看

春酌

酒闌歌罷翠簾遮月柳驚啼子夜鴉多少斷雲心上事結
成香夢是梨花

燈花

喜信今宵報與誰玉人曾翦畫雙眉等閑開落銀缸見只
閉春風不得知以上月洞吟

萬嘉

嘉字愚公仙居人

中秋寄陳碧棲

秋氣清如此秋花香柰何人生還健在月色況明多有酒
君當醉無愁我欲歌樓高俯松頂誰共酌姮娥

絕句

少日時時負百憂從人絡馬與牽牛中年置此身如竹荏
苒風前得自由以上吳禮部詩話

杜濬之

濬之字若川金華人旃之孫領鄉貢宋亡矯行晦
迹寄食西峯僧寺以終

述志詩

寧枉百里步曲木不可息寧忍三日飢邪蒿不可食雖云
食息頃便分淑與慝志士當暮年聞道轉歷歷要使此一
身如琢復如滌整冠與納履微嫌費疏剔未若瓜李地絕
不見吾迹

書警

食李弗言苦食梅弗嫌酸不為身所累且從心所安吾分
固云薄吾志亦非單靜看如山禍差之一念閒所得甚眇
眇所喪已漫漫百年修不足一朝容易殘雖處四壁立如
享萬鍾寬靜坐明月窟濯足清風灘

以上金華府志

錢仲鼎

仲鼎字德鈞通州人宋末領鄉薦

題趙鷗波高士圖

在昔洛陽雪深丈餘士也高臥來令尹車今年吳淞雪復
何如積素一色鷗鷺有無之子江臯修亭是居人
有琴有書有酒有魚賞靜獨眺聊以自娛挹茲清風凜凜
起余此景此圖再卷再舒

水村歌

舟搖搖兮風嫋嫋兮波鱗鱗兮鷗翩翩兮扣舷漁歌兮孰
知其他兮

以上珊瑚網

胡一桂

一桂字廷芳婺源人宋末鄉貢進士學者稱雙湖

先生

冬至寓建陽作

繡日添漢宮書雲紀晉觀山家獨奚為剛腸占易象幽人意欣然起坐視晴漢大化回初陽茫茫今已旦川泳有遊魚雲飛見翔雁滯畱本何心永懷發孤歎誠哉利攸往觀辭思過半

新安文獻志

陳普

普字尚德閩之寧德人為恂齋韓氏門人韓出于慶元輔氏蓋考亭的派也宋亡後三辟為本省教授不起有石堂集

秋日即事

夜牀輾轉恨明遲曉髮梳寒倚竹扉樹影紙窗風作色葦聲壁罅月流輝三杯白酒窮年客滿篋紅塵隔歲衣遙想閑鷗江上路蓼花楓葉雨霏霏

野步六言

黃犢眠中荒草鷺鷥立處枯荷宦海風濤舟楫故山烟雨松蘿

紅葉林風颯颯蒼苔徑雨斑斑人跡石邊流水樵歌鳥外青山

自晒

鬪雞走馬醉高陽今日歸來兩鬢霜無限少年心上事半簾豆雨語寒螿

荀彧

亂離揀得一枝棲得道爭知卻是迷曹操若逢諸葛亮暮年當作漢征西

北地王諶

何物譙周口似簧幾年漢帝手牽羊紛紛蜀土祠諸葛香火會分北地王

顏杲卿

驪宮歌笑入青雲曾識常山有戰塵忠骨已斲餘髮在因人得見夢中身以上石堂集

湘烟錄此詩蓋指杲卿見夢明皇妻疑髮動之事

蘇壽元

壽元字仁仲號北溪安福人

贈風鑑

空有奇胸貯石渠功名不許老頭顱憑君細閱寒窗下還有他年房杜無四朝詩

韓性同

性同字伯循別號古遺與陳石堂同里而及其門入元不仕

岳王墓

妖星墮地芒角赤龍劍悲號風蕭瑟中原王氣挽不回將軍一死為毛擲秦家小兒真戲劇播弄造化搖樞極指讐為親忠且逆隻手上遮天眼碧九重茫茫隔天日無由下

燭臣愚直臣愚萬死不足惜國恥未渝猶憤激古墳埋冤
血空瀝風雨年年土花蝕我恐精忠埋不得白日英魂土
中泣請將衰骨斲苔痕獻作吾皇補天石

曹氏歷代詩選

孫嵩

嵩字元京號艮山休寧人以薦入太學有艮山集

朱大同云孫上舍宋亡後歸隱海寧山中自號艮山示不復仕杜門賦詠
鍛苦鍊枯淒淒淪絕以寄其沒世無涯之悲時婺源有制幹許月卿先生
者亦宋進士宋亡歸隱製齊衰服之以居月卿壻江凱及汪炎昶皆絕意
當世俱從嵩遊其詩悲壯激烈讀之可知其爲人

開歲連日陰雨

老杜詩章五百年爲吾替寫早春篇恰從元日踰人日重
有陰陰冷落天

日日嵐陰守翠微清溪平沒釣魚磯流鶯一任無來意直

恐梅花半樹稀

新草天涯入斷魂若爲有意眺郊原只應老子春愁少須
著瀟瀟雨暗村

覓佳山水遷居未能又力役不休

微吟清嘯有孤懷歷落嶽崎已大乖芳草何心知世事閑
雲肆意繞天涯前時絕喜王官谷此去聊堪阿里街一語
作銘君記取騰騰任運莫安排

竹枝詞

灑灑堆頭君莫行瞿塘峽裏不論程龍吟小雨蜀天黑等
有明朝春水生

峽路陰陰無四時寒雲鳥道挂天危荒亭敗驛此何處望

宋詩集卷八十一
十一
帝江山聞子規

黃牛廟前鴉鶴棲黃魔宮外梟鵬啼
估客酌神巫嫗醉青林日轉風淒淒

生日

雲外荒村半掩扉門弧事業與心違
悠悠歲月山林老納納乾坤道路非
鴻雁關河秋滿眼梧桐風雨冷侵衣
蓼莪自是長休廢獨立蒼茫一歎歎

哭程晦夫

握手論交意氣真舊遊四顧黯傷神
陪從金馬門中客和唱銅駝陌上春
尚謂鄉邦離有合忍聞正壘夜無晨
夕陽古道曾經別腸斷西風淚滿巾

以上方回桐江集

曲江頭

君不見曲江頭離離衰草寒雲秋
今人不見昔年遊昔人不見今日愁
欲談往事無耆舊沈吟千載空搔首
盛衰倚伏如寒暄秦時宜春苑漢世樂遊園
更復唐人宮殿擁千門往來古今但如此
同一溶溶曲江水

秋懷

秋蟲日以喧秋樹日以疎君聽草根
葢泣弔風中梧壯士秋懷涕及此清霜初

從來感秋人一例皆楚聲吾聞古燕趙
慷慨多不平惜哉宋玉辭不使荆軻聽

何處秋聲多竹外聲歷歷淒切不禁寒
蕭蕭舊時碧此中

白髮愁餉與秋風客

疇昔旅江湖夜夜南飛雁山園柿栗秋出戶望河漢祇今寒雁時中夕起三歎

黃山秋雕鏤風露洗崖壑行行聽清猿處處采靈藥秋雲老石牀已後十年約

冬夜雜興

牧童與樵叟共載牛背歸我無薪蒸計南山松櫟稀寒風昨日至須用葺我扉破扉故可葺何以完我衣人生有定分勿怪生理微

行都餞歲

插架餘殘歷挑燈憶故鄉年光蛇赴壑鷄跡雁隨陽禁闕

迎儼鼓鄰街祭竈香英雄須自力容易鬢毛蒼

臨安錢武肅廟

吳越歸旗纛風雲初鼓鼙錦蒙山樹徧弩射海潮低龍鳳城蔥鬱牛羊墓慘悽古祠存故里秋草廡東西

春日武康遊望過孟東野故居

殘靄初收半在沙一川芳草趁溪斜羣峯古意茫茫國廢地詩情正曜家天末淒迷浮野色柳邊駘蕩受春華更攜尊酒看脩竹不爲前陂得意花

紫陽夜坐

一夜燈前白紵單沈吟有此夏初寒露零若與人相語松杪蕭蕭下石壇

姑蘇元夕

茂苑長洲滿地春吳兒歌舞逐時新風流百巧花燈手猶是夫差國裏人

以上新安文獻志

孫巖

巖字次臯號爽山嵩之弟有爽山集

方虛谷序云長孫君嵩元京詩清勁苦淡如其為小孫君巖次臯予未之識忽袖詩訪于武林亦清勁苦淡如其兄

去冬過石潭上時吳義夫同行欣然謂予曰詩境甚佳今日再過有作將寄義夫

長潭有令姿山綠納空洞軒軒吳武陵曾此接飛鞚殷勤顧我笑詩材不勝用重來春事深物采尤錯綜褚小強懷大秀異何受控沈吟日已昃十穀纔一中故人抱才藻衆

象入嘲弄即今溫水館匡坐教弦誦嗟哉實前語東華代案棟明當寄東風烟水發清夢

畱武林

訪客城南隅故第何其雄曲池猶漾潏土山尚龍從頗聞此中人易姓良恩恩往時恩澤侯意氣干晴虹樂曲播秦城衣制聞漢宮恨不逢季倫詎肯交毛公斥地西鄰去伐木南山空百楹一傳舍顧極當年工悠悠感成敗何獨操饒翁

觀漁行

霜降平湖鑑羣象中有黃魚幾一丈漁師早已中豪家今旦連舟布新網東西南北三重圍圍形漸縮如小池孟獲

身窮呂布窘尚許性命延斯須舊與鱗魴同出入爾暇悲
憐禍相及日斜劍甚上平沙兩岸居人如堵立渺渺腥風
吹水雲賣魚沽酒賽湖神醉來預唱江南春

和元京兄賦蘋花

一春觀物眼紅紫厭續紛此水浮明玉何人翦白雲惠風
遊漢女吉日禮湘君地僻應無是畱花混藻芹

兵後續溪道中

古道緣流水寒郊帶斷烟稀疎鴉種麥羞澀女耕田人事
休兵後秋懷落木前小蘇遺翰墨今古一山川

方虛谷云休兵落木之句非近人晚進所能到

陳監丞用韻見贈亦和以謝

肅肅東方老依人可計年名言傾蓋後古意結繩前君口
仍多轍予琴故一弦不應昌歎味置在衆肴先

九日呈戴兄

一別三十載而今近講堂蕭條同甲子強健又重陽萸菊
數杯酒烟雲千仞岡偶然爲此夢寧復次公狂

方虛谷云類陳后山

出越城舟行紆道以避過兵

擾擾紅巾起草閒舊遊何地不捨殘歸囊薄有桃花米行
路如經竹節灘戰馬冬來橫殺氣扁舟北去解憂端曲肱
便結須臾夢柳暗黷川把釣竿

武林絕句

續紛迎酒伎宛轉賣花聲偶似承平世攜書試鳳城
比屋單衣日名城冷食天居人多上冢遠客未歸田

樹陰

春去空山啼乳鸞鸞邊老樹暮新青一瓢挂此坐終日卽
是蘇家擇勝亭 以上新安文獻志

滕 槩

槩字仲塞號星崖婺源人

汪幼鳳云星崖常命其兄子舜父求文丞相遺墨舜父得所書過金陵
驛詩以歸日懸于堂焚香拜泣又過西湖拜岳將軍墓有相對含悲石
翁仲老衰無淚落秋風之句其忠義蓋天性也

東城

東城有高樓峩峩冠城闕我來屬昏暮見此初上月遙天

江山極目如霽雪江山秀如此豈不生豪傑臨風一高
歌達曙何由歇 新安文獻志

張 炎

炎字叔夏號玉田又號樂笑翁循王諸孫本西秦
人家臨安生于淳祐閒宋亡落魄縱游工爲長短
句

鄧牧心云玉田春水一詞絕唱今古人以張春水目之
舒園風云叔夏詩有姜堯章深婉之風

腰帶水 在奉化州西五十里

犀繞魚懸事已非水光猶自溼雲衣山中幾日渾無雨一
夜溪痕又減圍 延祐四明志

潘文虎

文虎字武子金沙人

寓言詞

為被虜婦作

交交桑扈交交桑扈桑滿牆陰三月暮去年蠶時處深閨
今年蠶時涉遠路路傍忽聞人采桑恨不相與攜傾筐一
身不蠶甘凍死祇憶兒女無衣裳

山房隨筆

陳森

森字茂卿婺州人宋末卒以詩殉葬

南海南

連弩聲猱黑風壯白日滄波影相盪神蛟一去還不還淚
溼空荒捲烟浪盤渦蜃氣高蠹天老鯨巨鼈那忍眠老鯨
已化子獨返越山越水青茫然樓船夜半猩猩語黃葛花

開墜秋雨

金華詩粹

陳深

深字子微平江人宋亡棄舉子業閉門著書有寧

極齋稿

曹叔時見過索餞篇

泄雲蒙朝日微雨霑庭除幽人掩關臥門外無來車曹子
別經歲枉道過我廬謂余抱文藝胡為守鄉閭余曰匪高
尚褊性涉世疎上奉白髮親餘暇讀我書豈如叔時甫妙
年美名譽詞華爛絺繡問學滋新畚奉子一卮酒聊為談
斯須威鳳翔高閣逸驥騰雲衢及時樹遠業臨事毋躊躕

內人臂白鸚鵡圖

華清宮中歌既醉南海奇禽遠爭致玉環最愛雪衣娘當時曾得龍顏媚璿房雕檻春日長繡綳嬌兒在傍戲君王憐汝解語言懷恩不說宮中祕臨風鷺鳥何軒軒歎惜純良遭猛厲蒼翁寫出當時事側立紅衫內人臂江花滿地不忍看空拂畫圖憐俊慧

南遊

驅車登遠道白日忽西流宇宙驚新夢山河感舊遊雲迷江令宅月澹庾公樓已已知何奈長歌去國愁

悼亡

短日一何急殘宵不肖明霜寒那有夢月落重傷情壁凍琴絲斷風驚燭淚盈微言憶王衍達理誤莊生

南湖史君製暗香湯奇甚賦絕句求之

霧閣雲窗深閉春微聞玉杵擣清聲元霜祇許雲英見地

上詩人渴夢生

自注時侍姬新至故戲及之 以上寧極齋稟

劉鑑

鑑字清叟號立雪江西人少年才氣卓犖連蹇不第中更世故感頹悲吟鰥居隱處年踰七十而終有立雪稟

同門生鄧光薦字其第五稟云余嘗評君一生琢對匠語洗削治擇齒牙閒纏纏有聲大率成就精切二字而已今皮毛落盡孤立兀然雷霹之琴火成之鏐潮湍激齧之山皆自然成趣有不假繩削而合蓋于是門外雪三尺矣得其髓者非齊腰子不能

題醉月亭

采石江頭李太白狂不奈煩宮錦窄赤壁磯下蘇東坡一

葉泛泛凌風波當時有月并有酒和酒和月吞入口酒腸
得月冷于冰化作瑰辭喧宇宙兩首賦百篇詩千秋萬古
稱絕奇兩翁不作歸來鶴玉宇瓊樓寒漠漠若得長江變
潑醅少住人間亦差樂望圓晦缺秋復春古來明月今來
人我時舉酒問明月月亦團團磨不得鐵如意玉唾壺我
歌君和聲嗚嗚爛醉起舞嗔人扶問影莫是李與蘇月中
仙子知得無

寄朱約山

歲晚江空烟水寒楓林葉落楚天寬苦無雁足書難寄作
盡鶯聲吟未安晉帖臨成思入石離騷讀罷擬栽蘭老來
絕被梅花惱後會君應笑我孱

調蕭小山

一冬晴暖春相似欲扣吟關未有詩折得梅花裝擔了起
程還是雪飛時

水凝寒棹不開幾人于此欲船回思君卻有扁舟興半

夜直衝風雪來以上立雪藁

葛慶龍

慶龍九江人寓越

霏雪錄葛慶龍號秋巖又號寄漁翁江南野道人蚤年嘗入匡廬學浮屠
法稱瑤書記不樂遂歸俗放浪江湖中名公鉅卿酒徒劍客多與之遊好
爲詩落落有氣每風日清美乘筍輿遊天衣雲門諸山年逾七袞觀齒童
顏終歲不深沐肌體清潔衣垢不生蚤蝨化去王君理得函其骨于仙人
洞仍鐫石爲肖像并一鶴于洞中在山陰縣西北六十里至今稱葛仙洞

贈僧

七軸蓮經供茗瓢一龕繡佛挂松寮
舶香亦帶魚龍氣自采枝頭柏子燒

謝理得惠書

五朶飛來漬剡藤重重響似水泠泠
不教落在紅塵耳讀與青松白鶴聽

詠黃石公

挾書律重火猶光天下嚴搜不敢藏
圯上老人無見者一編親寫授張良

筇杖

白髮慵巾短短衣閑行斜倚小筇杖
自家弄影猶癡絕只似初騎竹馬時

題仙人洞并謝草堂方公所贈石匣

多謝林僧亦好奇新遺石匣我酬詩
鶴胎收卻雲封裏付囑山靈木客時

雲長鎮洞有時開石匣終藏化鶴胎
千歲不須華表柱飛鳴南向洞山來

以上雲靈錄

遊寶林寺

坐如有待思依依看竹迴廊出寺遲
窅窅綠陰清寂處半窗斜日兩僧碁

越詠

于石

石字介翁婆之蘭谿人業詞賦自負甚高
宋亡隱居不出一意于詩因居鄉自號紫巖
晚徙城中更

號兩谿有集

探梅分韻得香字

絕壁兩屨雲荒村半橋霜孤往欲何之林下幽徑長寒梅
在何許臨風幾徜徉誰家斷籬外一枝寄林塘水靜不搖
影竹深難護香無言獨倚樹山空月荒涼

路傍女

路傍誰家女躊躇不能去自言妾小時家本樵川住十五
嫁良人長年秉機杼辛勤奉舅姑足不越庭戶去年秋棗
紅邊人健如虎移家入深林自謂百無慮空山鳴劔戟失
色駭相顧星散各偷生不幸適相遇妾身如風花飄零委
塵土妾命如蜉蝣焉能保朝暮一死恨不早空爲年少誤

去去忽相失零落在中路妾有乳下兒咿啞方學語四海
尚干戈安知爾生死回首望天涯家山在何處妾命負所
天顧影惟自憐自憐輕失節天下何獨妾

我從山中遊

我從山中遊歸來林壑暝澗水凍不流月出四山靜柴扉
不敢敲恐驚孤鶴醒徘徊踏月明倚杖看松影

得家書

久客秋又晚思家夢屢驚空階聞葉落隔樹見燈明親老
貧常健兒癡學未成淒涼今夜月將我故鄉情

半山亭

萬疊嵐光冷滴衣清泉白石鎖烟扉半山落日樵相語一

徑寒松僧獨歸葉墮誤驚幽鳥去林空不礙斷雲飛層崖
峭壁疑無路忽有鐘聲出翠微

春事

白了江梅柳又青遊絲千尺網紅塵鶉鳩夫婦孤村雨杜
宇君臣故國春客裏易添芳草思樽前誰是去年人桃花
源上空流水安得漁郎一問津

旅中遣懷

片雲相望浙東西回首家山路欲迷昨夜桐江江上夢倒
隨流水上雙谿以上紫巖集

方夔

夔一名一夔字時佐淳安人生于宋季嘗從何潛

齋遊攻舉子業不利于有司退隱富山之麓扁其

堂曰綠猗授徒講學其閒自號知非子學者稱富

山先生有富山嬾橐

錢王守鳧墩在臨安道左

山下燈龕挂紙錢水楊墩上草芊綿高人不要金丸用買
得三吳八十年

盧明之開鑪

嬾作西風汗漫遊歸謀諸婦此淹留采花墩近初成酒種
秫田多早帶秋燕領已空西塞夢犢禪莫遣遠山愁滄江
畱得偏醒客袖手時凭百尺樓

九里路

去年九里路烏攫人腸挂枯樹今年九里溪沙頭白骨高
復低人生變滅如泥土久後猶傳姜萬戶翠眉紅頰誰家
兒夜赴軍前效首虜將軍多愛恩意疎分將吳口充苞苴
殷勤道與送行使前口朝官多有書

自注唐人攻藩中朝官多以書
託主將求沒官妻妾

續感興

猛虎等百獸天賦與長雄曼胡秋利戟隅目磨青銅從知
世路暗羣行各西東吼地一長嘯颯颯來悲風飢來待人
肉不數豹與熊肥領而黑喙不知是何蟲坐臥不自防穴
爾皮毛中爾虎雖云猛一旦皮骨空慎勿欺微細卽且制
神龍

惡木生高岡枝疎上指天雨露非有私蟠踞幾何年蕘子
寢其下山鳥棲其巔匠石過不覘生理得自全皮爲野火
燒根爲螻蟻穿空中不足恃一朝踣而顛上有千歲藤相
依久纏綿樹猶不足保爾藤何足憐

二女灑竹淚盡是心中血精誠著于物千載猶不滅當時
從南巡豈少稷與契奈何比孤纒匍匐陽城謁皇英獨何
人風泉共幽咽可憐女子心慷慨男兒烈湘水流不斷誰
道恩情絕何時見歸來續君遠離別

驚禽營顆粒飛飛集工隅遊人困行役十年落江湖煌煌
秦與洛運轉天下樞啟明曜東漢萬足爭奔趨豈無爪距
力遠利如孫吳得失昧前料青雲閒泥塗天命有厚薄定
分不可渝歸來北山下俯仰收桑榆

秋晚雜興

青溪溪上路書劔此棲遲涼月穿衣褐寒波照鬢絲古桐
傳賀若橫玉犯龜茲不為傷秋老孤吟自可悲 以上富山嬾藁

金應桂

應桂字一之號蓀壁錢唐人又號積慶山人

咸輔之佩楚軒客談一之雅標度能歐書受知賈似道晚居西湖南山中
築蓀壁山房左弦右壺中設圖史古奇器客至撫摩諦玩清談纒纒不得
休每肩輿入城府幅巾擎衣望之若神仙然

送西秦張仲實遊大滌洞天

山林有真趣得趣即神仙好趁暮春月來遊大滌天晴嵐
融玉室花氣襲丹泉此地通懸霤清吟過叔元 洞霄詩集

潘喆

喆宋末人

經賈秋壑故第

相業如何不到頭諸公歷歷頌伊周夢迷葛嶺酣歌夜鬼
哭樊城血戰秋誤國正須憂大廈覆師寧忍駕孤舟木棉
庵裏催歸魄誰掩湖山富貴羞 杭州府志

汪楚狂

感慈元殿

翠華扶輦出龍庭蜜炬星繁天未明鷓鴣分行江上別貌
貅從駕雨中行綠波淼淼浮三殿紫禁沈沈斷六更惟有
周遭山似洛不堪回首涕縱橫 忠義集

王沂孫

沂孫字聖與號碧山又號中仙會稽人與周公謹
唐玉潛諸公倡和有詞名花外集

觀周曾秋塘圖有作一字至七字款題琅琊聖與

秋秋蕭灑清幽人靜處水邊頭波紋細細風色颼颼鷗鷺
情相狎鳧鷖樂自由疎葦敗荷池沼白蘋紅蓼汀洲幾竿
漁釣去已盡一段晚雲寒不收珊瑚網

周密

密字公謹號草窗濟南人流寓吳興居弁山自號
弁陽嘯翁又號蕭齋淳祐中為義烏令有蠟屐集
齊東野語癸辛雜識志雅堂雜鈔浩然齋視聽鈔
武林舊事澄懷錄雲烟過眼錄

鄧牧心序云蠟屐非屐非舄不足以忘足而阮孚愛之詩發乎情性與蠟
屐不類周公謹以名其集豈以阮孚所以忘足者而忘心于詩物無美惡
溺于所愛皆不得為性情之正安得與詩同日語然與為阮孚猶愈于祖
約畏人況不為阮孚者乎

南郊紀事

黃道宮羅瑞腦香袞龍升降佩鏘鏘大安輦奏乾安曲萬
點明星簇紫皇

萬騎雲從簇錦圍內官排立馬如飛九重闔闔開清曉太
母登樓望駕歸

西太乙宮

在孤山路舊四聖觀理宗朝建

藥宮廣殿號黃庭突兀浮雲最上層五福貴神畱不住水
堂空照九枝燈

南園

光宗朝賜平原郡王韓侂胄陸放翁為記

清芬堂下千株桂猶是韓家舊賜園白髮老翁和淚說百
年中見兩平原

甘園

內侍甘昇園又名湖曲曾經臨幸有御愛松望湖亭小蓬萊西湖一曲

小小蓬萊在水中乾淳舊賞有遺蹤園林幾換東風主雷
得庭前御愛松

衰親崇壽寺

在鳳皇山劉貴妃功德三門有陳公儲畫龍

翟羽鸞綃事已空奉華遺寺對高松宮斜鳳去無人見且
看門前粉壁龍

奉華劉妃閣名 以上武林舊事

韓氏慶樂園

舊事淒涼尚可尋斷碑閑臥草深深凌風閣下槎牙樹當
日人疑是水沈

齊東野語云四朝間見錄載蜀帥獻韓平原沈香山高五丈立之南園凌
風閣下今慶樂園卽南園也所謂香山尚巍然立于閣前乃枯枿耳初非
沈香也

爲楊大芳悼亡

帳中蜨化眞成夢鏡裏鸞孤在斷腸吹徹玉簫人不見世
閒難覓返魂香

癸辛雜識大芳娶謝氏謝亡未殮有蜨大如扇其色紫褐翩翩自帳中徘徊
飛集窗戶閒終日乃去

乙丑良月游大滌洞天書于蓬山堂

太虛灑氣浮空濛烟霞九鎖蓬萊宮崩騰雲木競奇秀澗
芳野實垂青紅何年斷鼇立天柱古洞陰森白鴉舞玉書
寶劍不可尋老翠封崖滴元乳光芒靈氣干斗牛遺丹箬
底誰能求黃精紫杞徧巖谷仙禽夜擣聲幽幽嬾蛟千年

睡未足癡涎吼雷噴飛瀑陰風黑穴吹海腥石虎當關橫
地軸是非萬古一笑慨神仙不死今安在

送西秦張仲實游大滌洞天

玉室金堂積翠邊舊游猶記劫灰前禽聲夜擣千年藥花
片春浮九鎖泉洞府暗通滄海路樓居何異化成仙茶香
筍美松醪熟正好山中過禁烟

以上洞霄詩集

題高房山夜山圖爲江浙行省照磨李公畧作

郎潛暇日多冥搜夜深獨上千尺樓天回海立月政溼風
起雲涌山疑浮縈青繚白互變滅浮嵐飛霧寒颼颼潛蚪
棲鶻聲磔磔山鬼木客鳴呦呦城中癡兒方囁語有夢不
到千山幽遙岑寸碧目力遠欲遡汗漫凌風游高侯落筆

萬象泣寫出千古蒼茫愁無聲詩與有聲畫一夕異事傳
南州玉琴在膝酒在手欲寫天籟無莊周憑誰爲問華表
鶴城郭人民今是不

鐵網珊瑚

題溫日觀葡萄

百八牟尼顛攜將萬里游歸來還自笑何不博涼州

六硯齋筆記

題高彥敬山村圖卷

爲仇仁近作

我昔遊七閩百嶺爭截業白雲漲川原深谷如積雪又游
天姥岑幽磴緣曲折長林翳寒日十里行落葉轉頭五十
年遐想正愁絕開圖意忽動懍恍生內熱何當駕松广分
我翠一疊弁陽我所廬見謂山水窟漂零媿楸櫨歲月老
薇蕨平生阮遙集足痺屐齒折何當賦歸田初志遂所愜

懷哉復懷哉清夢繞林樾

清河書畫舫

句

繁華不結三春夢零落空餘寸草心

杭社試燈花

佩楚軒客談

呂同老

同老濟南人有詞見樂府補題宋遺民也

丹泉

鬻沸檻外泉遠出天柱陽清音應空谷潛波渙寒塘昔人
養靈芝長年此山旁金骨換玉髓素蚪朝紫皇尚餘浴丹
池神光透扶桑蓬萊幾揚塵茲泉日泱泱我願滌世氛朗
詠三元章手持北斗杓下酌流霞漿

洞霄詩集

題高房山夜山圖

我昔絕江看吳山朝光正落山水閒金波遠自海門入翠
嵐高插扶桑殷安知瑤樓有夜景明月蒼茫墮清影李侯
勝賞高侯筆展卷一時如夢醒

鐵網珊瑚

龍泉寺納涼

靡靡市廛盡杳杳泉石閑灌木蔽榛莽爽籟彌空山飛藁
納餘輝丹蘄粲以繁巍然青蓮宮俯此碧玉闌化人淡無
爲趺坐觀塵寰支郎杳不逢元蟬噪其閒昔賢憩游地智
井潛龍蟠詠歌之所傳百世猶不刊我生悅趨曠危磴重
躋攀歸隱諒未能溯風發長歎

越詠

鄭斗煥


斗煥字丙文號松窗弁陽老人周密編輯絕妙好

宋詩紀事卷八十
詞特載其人于宋末

陪秋山相公遊大滌洞天一庵夜宿感夢

天柱清游尾使星
筍輿軋軋入山深
龍行雨去泉花定
鶴叫雲來木葉陰
松石已安通夕寐
江湖空老百年心
圓冠方袂何仙子
夢裏將詩索共吟

洞霄詩集



宋詩紀事卷八十

